



Broj:04-11-975/23

Datum: 03.05.2023.godine

Na osnovu člana 70. Zakona o javnim nabavkama („Sl. glasnik BiH“, broj 39/14, 59/22), na preporuku Komisije za javnu nabavku, broj: 04-11-975/23 od 27.04.2023. godine, u postupku javne nabavke, pregovarački postupak bez objave obavještenja, za nabavku usluge održavanja programa Docu i Datanova i integralnog programskog paketa za trezor, budžet i finansije, Općinski načelnik donosi:

O D L U K U

o izboru ponuđača u pregovaračkom postupku bez objave obavještenja o nabavci

Član 1.

Prihvata se preporuka Komisije za javne nabavke, broj: 04-11-975/23 od 27.04.2023. godine, i ugovor za nabavku usluge održavanja programa Docu i Datanova i integralnog programskog paketa za trezor, budžet i finansije, dodjeljuje se ponuđaču "Itineris" d.o.o. Tuzla, ponuda broj: 27-04-AS-P/2023 od 25.04.2023. godine, za ponuđenu cijenu od 7.200,00 KM bez PDV-a. (Ukupna cijena sa uračunatim PDV-om iznosi 8.424,00 KM).

Član 2.

U skladu sa članom 70. stav (6) Zakona o javnim nabavkama („Sl. glasnik BiH“, broj: 39/14, 59/22) Općina Sanski Most će ovu Odluku objaviti na svojoj web stranici istovremeno sa upućivanjem Odluke ponuđaču koji je učestvovao u postupku javne nabavke.

Član 3.

U skladu sa članom 98. stav (2) Zakona o javnim nabavkama („Sl. glasnik BiH“, broj 39/14, 59/22), Općina Sanski Most dostavit će na potpis Ugovor izabranom ponuđaču "Itineris" d.o.o. Tuzla nakon slanja ove Odluke.

O b r a z l o ž e n j e

Postupak javne nabavke pokrenut je Rješenjem o pokretanju pregovaračkog postupka bez objave obavještenja, broj: 04-11-975/23 od 27.02.2023. godine, za nabavku usluge održavanja programa Docu i Datanova i integralnog programskog paketa za trezor, budžet i finansije. Informacija o pregovaračkom postupku bez objave obavještenja o nabavci zajedno sa tenderskom dokumentacijom objavljena je na portalu javnih nabavki u sistemu e-nabavke dana 24.03.2023. godine, broj obavještenja:305-4-2-19-20-1/23.

U Informaciji je navedeno da se zahtjev za učešće u pregovaračkom postupku i početna ponuda treba dostaviti do 30.03.2023. godine do 13,00 sati.

Otvaranje zahtjeva izvršeno je 30.03.2023. godine u 13,15 sati što je konstatovano zapisnikom Komisije za nabavku, broj: 04-11-975/23, te je utvrđeno da je zahtjev dostavio jedan ponuđač i to „Itineris“ d.o.o. Tuzla. Takođe, Komisija je konstatovala da ponuđač „Itineris“ d.o.o. Tuzla ispunjava tražene uslove i da je kvalifikovan za predmetnu nabavku.

Otvaranje početnih ponuda izvršeno je 30.03.2023. godine u 13,45 sati što je konstatovano zapisnikom Komisije za nabavku, broj: 04-11-975/23, te je utvrđeno da je početnu ponudu dostavio jedan ponuđač i to „Itineris” d.o.o. Tuzla. Početna ponuda je uredna i sadrži sve što je traženo tenderskom dokumentacijom. Ugovorni organ je dana 31.03.2023. godine donio Odluku o rezultatu postupka pretkvalifikacije u pregovaračkom postupku nabavke bez objave obavještenja, broj: 04-11-975/23, i istu dostavio ponuđaču. Po pravosnažnosti navedene Odluke ponuđaču „Itineris” d.o.o. Tuzla upućen je poziv na pregovore u vezi pravnih, ekonomskih i tehničkih aspekata ponude. Pregovori su održani dana 20.04.2023. godine putem telefona i nakon toga je upućen poziv za dostavljanje konačne ponude.

Otvaranje konačne ponude održano je dana 27.04.2023. godine u 13:30 sati. Komisija konstatuje da je do utvrđenog roka za dostavljanje konačnih ponuda, tj. do 27.04.2023. godine do 13,00 sati pristigla jedna ponuda od „Itineris” d.o.o. Tuzla. Komisija je nakon isteka roka za dostavljanje ponuda pristupila otvaranju ponuda dana 27.04.2023.godine u 13 i 30 sati i nakon izvršene analize ponude konstatovala da je konačna ponuda prihvatljiva i da ponuđač „Itineris” d.o.o. Tuzla ispunjava uslove.

Shodno utvrđenom činjeničnom stanju, Komisija za javne nabavke dala je Općinskom načelniku preporuku da donese Odluku o dodjeli ugovora ponuđaču "Itineris" d.o.o. Tuzla s cijenom od 7.200,00 KM bez PDV-a. (ukupna cijena robe sa uračunatim PDV-om iznosi 8.424,00 KM)

U skladu sa navedenim Općinski načelnik je prihvatio prijedlog-preporuku Komisije za javne nabavke te donio odluku kao u dispozitivu.



OPĆINSKI NAČELNIK

Faris Hasanbegović, prof.

Dostaviti:

1. „Itineris” d.o.o. Tuzla
- Pozorišna b.b., Tuzla
2. u dosije
3. a/a